

彷彿匡山離垢園經年絕少馬車喧靜中日月長如歲閉裏功  
夫默守元不住流鶯曉遠樹無端飛燕語東軒此間坐卧殊無  
累急把玄機仔細參

其三

堂前百卉共芬芳次第花開壓短牆台砌蝶穿身似夢欄杆人  
倚氣偏香午書課罷聲方歇卯酒醒餘意若忘更有一番鄉野  
趣蟬鳴不斷到斜陽

其四

平雲居士品高清秀骨珊珊質玉璜既識塵緣歸幻象須從現  
世悟無生垂簾靜息添真液塞兌深藏養至精自古仙源皆可

道藏輯要

東園雜詠附

三五

又續壁集七

問莫教歧向阻前程

懷范子涵

故人相別幾經年聞說修持志力專立德立言無懈怠希仙希  
佛有因緣能於窮族垂青眼信是淤泥長白蓮眾濁獨清真箇  
少聖賢心事羨君肩

寄范子涵

說到人心奈若何無端平地起風波家無賢孝思光祖世夥姦  
頑敢犯科惟道貨財萬分少若陳果報半言多澆漓似此難爲  
挽不識君心憾也麼

寄鍾子本